

Tap í Danmörku veldur virðisrýrnun á viðskiptavild, en innlendur rekstur yfir áætlun

Helstu upplýsingar:

- EBITDA 147 mkr á fyrri árshelmingi borið saman við 210 mkr fyrir sama tímabil í fyrra
- EBITDA 125 mkr á öðrum ársfjórðungi samanbórið við 87 mkr fyrir sama tímabil í fyrra
- 986 mkr heildartap á fyrri árshelmingi 2013
- 835 mkr gjaldfærsla viðskiptavildar vegna Applicon A/S
- Eigið fé samstæðunnar nemur 1.287 mkr og eiginfjárlutfall 19,0%

Þórður Sverrisson, forstjóri:

„Tvennt einkennir uppgjör fyrri árshelming. Annars vegar er 835 mkr gjaldfærsla á eignfærðri viðskiptavild Applicon A/S í Danmörku, en áætlanir um afkomu hafa ekki gengið eftir. Hins vegar er afkoma góð og samkvæmt áætlun af innlendum rekstri Nýherja, Applicon og TM Software auk danska félagsins Dansupport á fyrri árshelmingi og er EBITDA 253 mkr á fyrri árshelmingi hjá innlendum félögum samstæðunnar.

Umtalsvert tap er af rekstri Applicon dótturfélaga erlendis og verður áhersla lögð á samhæfingu í starfsemi Applicon félaganna í Danmörku, Svíþjóð og á Íslandi. Þær fjölmörgu vörur og lausnir sem fyrirtækin hafa þróað verða samnýttar betur með áherslu á að efla starfsemina í Danmörku.“

Rekstrarniðurstaða á fyrri árshelmingi 2013

Árshelmingayfirlit - Lykiltölur		
Í milljónum ISK	1H 2013	1H 2012
Seldar vörur og þjónusta	6.518	7.492
Vörunotkun og kostn.verð seldrar þjónustu...	(5.169)	(6.019)
Framlegð	1.348	1.472
Rekstrarkostnaður	(1.360)	(1.380)
Virðisrýrnun viðskiptavildar	(835)	0
(Tap) hagnaður fyrir fjármunatekjur og fjármagnsgjöld	(847)	93
Hrein fjármagnsgjöld	(159)	(106)
Tap fyrir tekjuskatt	(1.006)	(13)
Tekjuskattur	20	6
Tap tímabilsins	(986)	(8)
Rekstrarliðir færðir beint á eigið fé	0	(7)
Heildartap tímabilsins	(986)	(15)
EBITDA	147	210

- Sala á vöru og þjónustu nam 6.518 mkr á fyrri árshelmingi 2013 samanbórið við 7.492 mkr á sama tímabili 2012 og lækkar því um 974 mkr eða um 13% og má rekja þá lækkun til minni tekna erlendis.
- EBITDA nam 147 mkr á fyrri árshelmingi 2013 samanbórið við 210 mkr EBITDA á sama tímabili 2012.
- EBITDA hlutfall á fyrri árshelmingi 2013 er 2,3% en var 2,8% á sama tímabili 2012.
- Heildartap á fyrri árshelmingi 2013 nam 986 mkr samanbórið við 15 mkr heildartap á sama tímabili 2012. Tapið á fyrri árshelmingi helgast einkum af gjaldfærslu vegna virðisrýrnunar á viðskiptavild hjá Applicon A/S í Danmörku að upphæð 835 mkr.

Efnahagsreikningur 30.06.2013 - Lykiltölur		
Í milljónum ISK	30.06.2013	31.12.2012
Fastafjármunir	3.645	4.537
Veltufjármunir	3.114	3.562
Eignir samtals	6.759	8.099
Eigið fé	1.287	2.293
Langímaskuldir	2.643	2.773
Skammtímaskuldir	2.829	3.034
Eigið fé og skuldir samtals	6.759	8.099
Veltufjárhlutfall	1,10	1,17
Eiginfjárhlutfall	19,0%	28,3%

- Lækkun veltufjármuna frá áramótum er einkum vegna lækkunar á viðskiptakröfum og öðrum skammtímakröfum um 374 mkr.
- Veltufjárhlutfall er 1,10 í lok annars ársfjórðungs en var 1,17 um síðustu áramót.
- Eiginfjárhlutfall lækkar frá áramótum úr 28,3% í 19,0%.
- Vaxtaberandi skuldir lækka úr 3.272 mkr í 3.263 mkr.
- Skammtímaskuldir lækkuðu um 205 mkr frá áramótum.

Sjóðstreymi - Lykiltölur		
Í milljónum ISK	1H 2013	1H 2012
Handbært fé frá rekstri	62	232
Fjárfestingahreyfingar.....	(164)	(124)
Fjármögnunarahreyfingar.....	52	(216)
Lækkun á handbæru fé.....	(50)	(108)
Áhrif gengisbreytinga á handbært fé	(5)	3
Handbært fé í ársbyrjun	218	316
Handbært fé í lok tímabilsins	163	211

- Handbært fé frá rekstri er 62 mkr í lok fyrri árshelming 2013 samanborið við 232 mkr á sama tímabili 2012.
- Fjárfesting í rekstrarfjármunum er 42 mkr hærri á fyrri árshelmingi 2013 samanborið við fyrri ár.
- Lækkun á handbæru fé er 50 mkr á fyrri árshelmingi 2013 samanborið við 108 mkr lækkun á sama tímabili 2012.
- Handbært fé í lok tímabilsins nemur 163 mkr.

Rekstrarniðurstaða á öðrum ársfjórðungi 2013

Ársfjórðungsyfirlit - Lykiltölur					
Í milljónum ISK	F2 2013	F1 2013	F4 2012	F3 2012	F2 2012
Seldar vörur og þjónusta	3.323	3.195	3.622	3.068	3.674
Vörunotkun og kostn.verð seldrar þjónustu	(2.617)	(2.552)	(2.893)	(2.359)	(2.698)
Framlegð	705	643	729	709	706
Rekstrarkostnaður	(663)	(697)	(658)	(652)	(682)
Virðisrýmum viðskiptavildar	(835)	0	(92)	0	0
(Tap) hagnaður fyrir fjármunatekjur og fjármagnsgjöld	(792)	(54)	(21)	56	24
Hrein fjármagnsgjöld	(79)	(80)	(63)	(48)	(39)
(Tap) hagnaður fyrir tekjuskatt	(872)	(134)	(84)	8	(15)
Tekjuskattur	(2)	22	196	(4)	7
(Tap) hagnaður tímabilsins	(874)	(112)	112	4	(8)
Rekstrarliðir færðir beint á eigið fé	12	(11)	9	1	(22)
(Heildartap) –hagnaður tímabilsins	(862)	(123)	121	5	(30)
EBITDA	125	22	146	125	87

- Sala á vöru og þjónustu nam 3.323 mkr á öðrum ársfjórðungi 2013 samanborið við 3.674 mkr á sama tímabili 2012 og lækkar því um 351 mkr eða um 9,6%.
- EBITDA var 125 mkr á öðrum ársfjórðungi 2013 samanborið við 87 mkr EBITDA á sama tímabili 2012.
- EBITDA hlutfall á öðrum ársfjórðungi 2013 er 3,8% en var 2,4% á sama tímabili 2012. Heildartap á öðrum ársfjórðungi 2013 nam 862 mkr samanborið við 30 mkr heildartap á sama tímabili 2012.

Nýherji móðurfélag: Aukin eftirspurn og ágæt afkoma

Afkoma Nýherja hf., móðurfélags, á öðrum ársfjórðungi var betri en á sama tíma í fyrra, einkum var eftirspurn eftir rekstrarlausnum og þjónustu meiri. Góð sala var í IBM diska- og afritunarlausnum og töluvert aukin spurn eftir Rent A Prent prentlausnum. Sala á Lenovo tölvubúnaði til fyrirtækja var ágæt sem og sala á hugbúnaði, sem tengist innviðum tölvulausna frá IBM, Microsoft og VMware.

Nýir samningar um þjónustu og rekstur upplýsingateknikerfa voru gerðir við mörg fyrirtæki og bæjarfélög, allt frá alrekstri til afmarkaðrar þjónustu á borð við kerfisveitu, hýsingu, samskiptalausnir og rekstur sýndarútstöðva og netþjóna. Stórir samningar voru endurnýjaðir við núverandi viðskiptavinum á tímabilinu, sem endurspeglar traust til rekstrarþjónustu Nýherja. Verkefnastaða í þjónustu- og lausnasölu fyrir næstu mánuði er góð.

Sala á neytendavöru dróst lítillega saman á öðrum ársfjórðungi miðað við sama tímabil í fyrra, en ákveðinnar stöðunar hefur gætt á neytendamarkaði það sem af er ári.

TM Software: 71% vöxtur í tekjum erlendis

Rekstur TM Software, sem sérhæfir sig í þróun sérhæfðra vef- og hugbúnaðarlausna, var ágætur í öðrum ársfjórðungi. Tekjur félagsins í ársfjórðungnum hækkuðu um 18% frá sama tímabili í fyrra. Veltuaukning skýrist einkum af aukinni sölu á sérhæfðum heilbrigðislausnum og sölu á Tempo verkefna- og tímaskráningarkerfi.

Eftir fyrstu 6 mánuði ársins er bæði afkoma og tekjur TM Software yfir áætlun. Vöxtur í tekjum erlendis er 71% milli ára og áfram eru góðar horfur á vaxandi sölu á erlendum mörkuðum. Verkefnisstaða á heimamarkaði er ágæt og horfur góðar fyrir síðari helming ársins.

Nýsköpunar- og þróunarkostnaður á eigin hugbúnaðarlausnum er umtalsverður í starfsemi TM Software. Tekjur fyrirtækisins af eigin hugbúnaðarlausnum eru yfir 60% af heildartekjum. Á fyrri helmingi ársins seldi TM Software hugbúnaðarleyfi til 2.600 erlendra fyrirtækja.

Applicon: Tap í Svíþjóð og Danmörku en hagnaður á Íslandi

Afkoma Applicon félaganna, sem sérhæfa sig í sölu og þjónustu á viðskiptahugbúnaði, var í heild töluvert undir áætlun. Talsvert tap varð af rekstri Applicon í Svíþjóð og Danmörku, en hagnaður af rekstri Applicon á Íslandi og viðsnúningur til hins betra miðað við sama tíma í fyrra.

Applicon á Íslandi tók þátt í innleiðingu á nýrri bankalausn fyrir sænska fjármálafyrirtækið Landshypotek í samvinnu við Applicon í Svíþjóð. Sala á lausnum og þjónustu var góð á tímabilinu og verkefnastaða hjá félaginu er ágæt.

Afkoma Applicon í Svíþjóð var undir áætlunum, einkum vegna umframkostnaðar við innleiðingu fyrir Landshypotek. Verkefnið skilaði bættri afkomu í lok tímabilsins og er gert ráð fyrir jákvæðri afkomu á síðari helmingi ársins. Að auki liggja fyrir nokkur áhugaverð tækifæri til frekari sölu á bankalausn Applicon vegna reynslu af innleiðingu hjá Landshypotek. Nýting sérfræðinga í öðrum verkefnum var á áætlun. Áfram er gert ráð fyrir góðri eftirspurn eftir þjónustu sérfræðinga Applicon, einkum vegna lausna fyrir markaðsviðskipti og í tengslum við lána- og fjármögnunarlausnir.

Töluvert tap var á starfsemi Applicon í Danmörku. Nýting sérfræðinga var undir áætlun og samdráttur var í föstum þjónustutekjum. Almenn eftirspurn eftir SAP lausnum í Danmörku hefur verið dræm. Vegna erfiðra rekstrarskilyrða og neikvæðrar afkomu félagsins er færð virðisrýrnun að fjárhæð 835 mkr af viðskiptavild félagsins sem tengd er Applicon í Danmörku. Áfram verður lögð áhersla á samhæfingu í starfsemi Applicon félaganna og bjóða á danska markaðnum þær fjölmörgu vörur og lausnir sem Applicon í Danmörku, Svíþjóð og á Íslandi hafa þróað, en þó er gert ráð fyrir erfiðum rekstri á seinni helmingi ársins.

Dansupport: Góð afkoma á fyrri hluta árs

Hagnaður af starfsemi Dansupport A/S var vel yfir áætlun í öðrum ársfjórðungi. Góð nýting var í ráðgjöf og eru þjónustutekjur vaxandi. Horfur fyrir þriðja ársfjórðung eru góðar.

Horfur

Gert er ráð fyrir að afkoma af innlendri starfsemi verði áfram góð og yfir áætlun, eftirspurn eftir lausnum og rekstrarþjónustu Nýherja, móðurfélags, verði mikil og búist er við vexti hjá TM Software og Applicon á Íslandi. Rekstur Applicon í Danmörku verður áfram þröngur, en Dansupport í Danmörku og Applicon í Svíþjóð munu skila eðlilegum hagnaði á síðari árshelmingi.

Í ljósi stöðunnar hefur stjórn ákveðið að gripið verði til aðgerða til þess að bæta rekstur og eignastöðu félagsins. Haldið verði áfram breytingum í þessa átt sem verið hafa í gangi undanfarna mánuði.

Hluthafar

Markaðsvirði fyrirtækisins í lok júní var 1.420 mkr. Lokaverð á fyrri árshelmingi var kr. 3,55 á hlut. Hæsta lokaverð var kr. 3,93 á hlut meðan lægsta verð var kr. 3,48 á hlut. Meðal lokaverð á fyrri árshelmingi var kr. 3,65 á hlut. Fjöldi útgefinna hluta þann 30. júní 2013 voru 400.000.000.

Kynningarfundur þann 29. júlí 2013

Kynningarfundur fyrir fjárfesta og markaðsaðila verður haldinn mánudaginn 29. júlí 2013 í höfuðstöðvum félagsins að Borgartúni 37 í Reykjavík og hefst hann kl. 08:30. Þórður Sverrisson, forstjóri mun kynna afkomu félagsins. Hægt verður að nálgast kynningarefni fundarins að honum loknum á heimasíðu félagsins, www.nyherji.is.

Fjárhagsdagatal fyrir 2013:

Áætluð birting árshlutauppgjörs fyrir árið 2013:

25. október. Níu mánaða uppgjör.

29. janúar 2014. Ársreikningur.

Samþykkt árshlutareiknings

Árshlutareikningur var samþykktur á stjórnarfundum Nýherja hf. 26. júlí 2013. Árshlutareikningur Nýherja hf. er í samræmi við alþjóðlega reikningsskilastaðla (IFRS-International Financial Reporting Standards). Árshlutareikningurinn er hvorki endurskoðaður né kannaður af endurskoðendum félagsins.

Nýherji hf.

Hlutverk Nýherja hf. er að skapa viðskiptavinum sínum virðisauka með þekkingu starfsmanna á upplýsingatækni, rekstri fyrirtækja og þörfum viðskiptavina. Nýherji býður fyrsta flokks ráðgjöf og fagþjónustu á sviði upplýsingatækni og vandaðan tölvu-, skrifstofu- og hugbúnað ásamt traustri tækni- og rekstrarþjónustu. Stöðugildi hjá Nýherjasamstæðunni voru 515 í lok júní. Hlutabréf Nýherja hf. eru skráð í NASDAQ OMX Iceland hf. (Kauphöll Íslands).

Stjórn Nýherja: Benedikt Jóhannesson, stjórnarformaður, Guðmundur Jóh. Jónsson, Guðrún Ragnarsdóttir, Hildur Dungal og Marta Kristín Lárusdóttir. Þórður Sverrisson er forstjóri Nýherja.

Nánari upplýsingar: Þórður Sverrisson, forstjóri Nýherja, í síma +354 893 3630.

Til athugunar fyrir fjárfesta

Nýherji vekur athygli á því að staðhæfingar sem finna má í þessari fréttatilkynningu kunna að vera byggðar á mati og áætlunum stjórnenda félagsins en ekki á staðreyndum sem hægt er að sannreyna af birtingu tilkynningarinnar. Eðli málsins samkvæmt fela slíkar staðhæfingar í sér óvissu. Athygli fjárfesta er vakin á því að margir þættir geta haft þau áhrif að rekstrarumhverfi félagsins og afkoma verði með öðrum hætti en forsendur gera ráð fyrir í tilkynningunni. Þessi tilkynning verður ekki endurskoðuð eftir birtingu hvað þetta varðar. Staðhæfingar sem finna má í þessari fréttatilkynningu gilda eingöngu á því tímamarki þegar fréttatilkynningin er birt og takmarkast gildi þeirra við það sem segir í fyrirvara þessum.